

## Lan-eskaintzen erregistroa 2023ko ekainean


### • ERREGISTRATUTAKO LAN-ESKAINZA KOPURUA

Euskal Autonomia Erkidegoko enplegu-bulegoetan 1.683 eskaintza erregistratu dira 2023ko ekainean, maiatzean baino 362 gutxiago eta 2022ko ekainean baino 518 gutxiago.

### • LURRALDE HISTORIKOAK

Kudeaketako Administrazio Unitatearen lurralde historikoari dagokionez, 2023ko ekainean 254 eskaintza erregistratu dira Araban, 694 Gipuzkoan eta 835 Bizkaian. Eskaintzen % 15,1 Arabako UAGetan erregistratu dira, % 41,2 Gipuzkoan eta % 43,7 Bizkaian.

Eskaintzaren Lurralde Historikoa



Arabaren hilabete honetan, eskaintzek % 10 egin dute gora (23 eskaintza gehiago); Gipuzkoan, berriz, % 16,9 egin dute behera (141 eskaintza gutxiago), eta Bizkaian, % 24,9 egin dute behera (244 eskaintza gutxiago).

Iazko hil beraren aldean, 11 eskaintza gutxiago izan dira Araban (% 4,2ko beherakada), Gipuzkoan 233 eskaintza gutxiago izan dira (-% 25,1); eta Bizkaian, 274 eskaintza gutxiago erregistratu dira (-% 27,2).

### • ESKAINTZAREN OKUPAZIOA


Okupazio-profilei dagokienez, EAEn zerbitzuen profilak izan ditu eskaintza gehien: 317 eskaintza eta eskaintza guztien % 18,8. Ondoren, zientzialari teknikarien profila dator, 315 eskaintzarekin eta % 18,7ko pisuarekin. Laguntzako, industriako eta kualifikaziorik gabeko teknikarien okupazio-profilek ere garrantzi handia dute erregistratutako eskaintzei dagokienez, erregistratutako eskaintzen bolumenaren ehunekoak % 17,8, % 17,5 eta % 11,8 baitira, hurrenez hurren. Eskaintza gutxien erregistratu dituzten profilak lehen sektorekoak eta zuzendaritzakoak izan dira, 14 eta 4 eskaintzarekin, hurrenez hurren.

Joan den hilabetearekin alderatuta, profil gehienetan eskaintza kopuruak behera egin du lehen sektorekoetan eta zerbitzuetan izan ezik; 3 eskaintza egin du gora bakoitzean. Kopuru absolutuetan, beherakada handiena izan duen profila zientzia-teknikariena izan da, 136 eskaintza gutxiagorekin eta % 30,2ko jaitsierarekin; balio erlatiboetan, berriz, jaitsierarik handiena zuzendarien profilean izan da, % 84,6ko jaitsiera izan baitu (22 eskaintza gutxiago).

Urte arteko saldoari dagokionez, profil guztietako eskaintzek behera egin dute. Ehuneko jaitsierarik handiena, hil arteko saldoan bezala, zuzendariak izan dute, % 76,5eko jaitsierarekin (13 eskaintza gutxiago). Aldiz, balio absolutuei dagokionez, beherakada handiena laguntza-teknikarien eskaintzetan gertatu da: 155 eskaintza gutxiago eta % 34,1eko jaitsiera.

### • KONTRATU MOTA


Erregistratutako eskaintzen % 37,7 mugagabeak izan dira, eskaintzen % 61,7 aldi baterakoak, eta gainerako % 0,5 merkataritzakoak. Kontratu mugagabeen eskaintzen ehunekoa handia da, baina maiatzetik hona % 45,6tik % 37,7ra jaitsi da. Hala ere, urteko erreferentzian, ehunekoa 7,2 puntu igo da. Datu horiek indartu egiten dute lan-erreformaren ondoren eskaintza mugagabeen presentzia handiagoa izateko joera. Mugagabeko eskaintzak 635 izan dira, aurreko hilean baino 298 gutxiago ( % 31,9ko beherakada). Aldi baterako eskaintzek ere behera egin dute (46 eskaintza gutxiago), 1.039 gutzira; termino erlatiboetan, jaitsiera % 4,2koa izan da. Azkenik, merkataritzako 9 eskaintza izan dira 2023ko ekainean, aurreko hilean baino 18 gutxiago.



Urte arteko saldoari dagokionez, kontratu mugagabeko eskaintzek 37 egin dute behera ( % 5,5eko jaitsiera); aldi baterako kontratuko eskaintzek, aldiz, % 31,1 egin dute behera, 469 eskaintza gutxiago. Azkenik, merkataritzako 12 eskaintza gutxiago erregistratu dira, 21 eskaintza izatetik 9 eskaintza izatera igaro baitira urteko erreferentzian.

### • ESKATUTAKO ESPERIENTZIA - DENBORA

2023ko ekainean erregistratutako eskaintzen % 81ek 0 eta 6 hil arteko esperientzia behar dute, 1.363 eskaintza gutzira. Erregistratutako eskaintzen % 9,9k (167 gutzira) 6 eta 12 hilabete arteko esperientzia eskatzen dute. Ehuneko txikiagoak dituzte esperientzia-aldi luzeagoa eskatzen duten eskaintzek, hala nola 3 eta 5 urte bitartekoak, % 1,3ko pisuarekin (22 eskaintza) eta 5 urte baino gehiago eskatzen dituztenek; 6 eskaintza eta % 0,4ko pisua.



Hilabete arteko bilakaerari dagokionez, eskaintzek behera egin dute tarte guztietan. Jaitsierarik handiena, balio absolutuetan, 1 eta 3 urte bitarteko esperientzia-tartean gertatu da, 142 kontratu gutxiagorekin ( % 53,2ko beherakada); portzentaiaetan, 3-5 urteko esperientziako eskaintzetan izan da jaitsiera handiena, % 60 jaitsi baitira (55 urtetik 22ra igaro dira).

Urteko bilakaeran, eskaintzek behera egin dute tarte guztietan, 3-5 urte bitarteko eskaintzetan izan ezik, horiek zifra bera izan baitute (22 eskaintza). Gehien jaitsi diren eskaintzak, balio absolutuetan, 0 eta 6 hilabete bitartekoak dira (404 eskaintza gutxiago, % 22,9ko jaitsiera); balio erlatiboetan, urte 1 eta 3 urte bitarteko eskaintzak jaitsi dira gehien, % 31,7 gutxiago (-58 eskaintza).

## Lan-eskaintzen erregistroa 2023ko ekainean


Ekainean, erregistratutako lan-eskaintzek 8 hilabeteko batez besteko esperientzia eskatu dute, maiatzean baino hilabete gutxiago.

### • LANALDI MOTA

Ezer baino lehen, aipatu behar da lan-eskaintza guztiek ez dutela zehazten zer lan-jardunaldi egin behar den eskaintzak erregistratzeko orduan; eskaintzen % 13,1ek bakarrik zehazten dute lanaldia, aurreko hilean baino 1,7 puntu gutxiago (1.683 eskaintzatik 270 soilik). 270 eskaintzatatik 250 lanaldi osokoak izan dira, eta gainerakoak 50 lanaldi partzialekoak.

Bilakaerari dagokionez, lanaldi osoko eskaintzak 83 gutxiago izan dira maiatzarekin alderatuta, hau da, % 27,4 jaitsi dira. Lanaldi partzialeko eskaintzek behera egin dute 2 eskaintzatan, eta jaitsiera erlatiboa % 3,9koa izan da.

Aurreko urteko hil beraren aldean, haxe izan da bilakaera: lanaldi osoko eskaintzak 51 gutxiago izan dira ( % 18,8 gutxiago) eta lanaldi partzialekoak 14 eskaintza gehiago ( % 38,9 gehiago).



### • ALDI BATERAKO LANERAKO ENPRESAK (ABLE)


Hil honetan 14 lan eskaintza kudeatu dira ABLEn bitartez, aurreko hilean baino 121 gutxiago eta aurreko urtean baino 53 gutxiago.

### • ESKATUTAKO PRESTAKUNTZA MAILA

Adierazle honi buruzko datuak ere ez dira beti zehazten lan-eskaintzak erregistratzeko orduan. Eskaintzen % 85k ez du zehazten zein den eskatutako prestakuntza maila minimoa: 1.683 eskaintzetatik 242k soilik zehaztu dute.

242 eskaintza horietatik, 88k LH mailako prestakuntza eskatu dute; ikasketa maila honetako eskaintzak izan dira ugariak. Ondoren, unibertsitateko ikasketa maila eskatu dutenak daude; 78 izan dira apirilean. Azkenik, oinarritzko eta batxilergoko ikasketak eskatzen dituzten eskaintzak daude (64 eta 24 eskaintza, hurrenez hurren).

**Eskatutako gutxieneko prestakuntza maila**



Hil arteko konparaketan, igo egin dira oinarritzko ikasketen profilen eta batxilergo profilen eskaintzak, 23 eta 2 eskaintza gehiagorekin, % 59 eta % 14,3ko igoera, hurrenez hurren. Aitzitik, LHko eskaintzak (-64 eskaintza, % 42,1 gutxiago) eta unibertsitatekoak (-3 eskaintza, % 3,7ko jaitsiera) jaitsi egin dira.

2022ko ekainarekin alderatuta, gora egin duten eskaintza bakarrak derrigorrezko ikasketak izan dira, 5 eskaintza gehitu baitira ( % 8,8ko igoera). Gehien jaitsi direnak, balio absolutuetan zein

## Lan-eskaintzen erregistroa 2023ko ekainean

erlatiboetan, LHko ikasketak behar dituzten eskaintzak dira, 37 eskaintza gutxiago eta % 29,6ko jaitsiera erlatiboarekin.

### • ESKAINTZAREN JARDUERA

Gehien nabarmentzen den jarduera, EAEko enplegu-bulegoetan erregistratu diren eskaintzen bolumenagatik, manufaktura-industria da, % 18ko pisuarekin (303 eskaintza). Ondoren merkataritzako eskaintzak datoz, guztira 231 eskaintza, hau da, hileko eskaintza guztien % 13,7. Gainerako eskaintzak guttizkoaren % 10etik beherakoak dira.

Aurreko hilabetearen aldean, eskaintza gehienak jaitsi dira. Gehien igo direnak administrazio publikoaren eskaintzak izan dira, 21 gehiago ( % 25,9ko igoera). Balio absolutuetan, beherakada handiena izan duten eskaintzak administrazio-jardueretakoak izan dira, 178 eskaintza gutxiagorekin ( % 58,2ko jaitsiera); balio erlatiboetan, berriz, finantza-jardueren eskaintzetan izan da beherakada nabarmenena, % 85ekoa izan baita (34 eskaintza gutxiago).

Urte arteko saldoari dagokionez, nabarmentzekoa da administrazio-jardueren jaitsiera, 153 eskaintza gutxiagorekin ( - % 54,5), eta ondoren manufaktura-industriaren jaitsiera (129 eskaintza gutxiago, % 29,9ko jaitsiera); balio erlatiboetan, jaitsierarik handiena finantza-jardueren eskaintzetan izan da, % 68,4ko jaitsiera eta 13 eskaintza gutxiago. Beste muturrean, igoerarik handiena, balio absolutuetan, administrazio publikoko eskaintzetan gertatu da, 15 eskaintza gehiago erregistratu baitira ( % 17,2ko hazkundea); balio erlatiboetan, bilakaerarik onena etxeetako enpleguak izan du 5 eskaintza gehiago eta % 33ko igoera izan baitu.

### Eskaintzaren jarduera

